

1 Jon

Nauəuə iətəm Jon təmaupən mətei Nəghatiən əkuəkır rəha nauəuə u 1 Jon

?Pəh təmətei nauəuə u? Aposil Jon təmətei nauəuə u. In pia Jemis, kəni ilau nəti Səpəti mil. In kəti rəha nətəmi tueləf rəha Iesu. Kəni in iətəmi u iətəm Iesu tolkeikei pik. In təmətei nauəuə mın u: Nanusiən Təuvır Iətəm Jon Təmətei, 1 Jon, 2 Jon, 3 Jon, mine Nol Əpuiən.

?Təmətei tatuvən kəm pəh? Təmətei nauəuə u tatuvən kəm nətəmimi rəha niməfaki mın ikin mın rəfin. In tolkeikei məmə nətəmimi ikin kətiəh kətiəh okotafin, kəni motahli=pən nauəuə u tatuvən e niməfaki mın ikin pisin pisin mın.

?Natigiən təhro lanu nian təmətei? Nətəmimi nəuvein kotəni məmə Iesu Kristo səniəmə in Nəti Uhgın pəhriən iətəm təmuva iətəmimi pəhriən kəti. Kəutəni məmə narmin rəha Kristo təmuva e nıpəti suah kəha Iesu nian Jon Bəptais təmol bəptais lan. Kəni narmin rəha Kristo tiet e nıpəti Iesu, uərisig timis e nigı kəməluau. Mətəu nəgətuniən əha in neiuəiən. Kəni mautəgətun məmə noliən tərəh in tikə. İlah nəuvein kotəni məmə təuvır əmə məmə nətəmimi okotol əpnəpın əmə noliən tərəh mətəu-inu e rəhalah nəgətuniən, nıpəti iətəmimi in nati əpnəpın əmə. Nərgi nəgətuniən mın əha, kətəni məmə “Nostisisim.”

?Təmətei nauəuə u o nak? Təmətei nauəuə u məmə otəgətun mın nəghatiən iətəm təhruahru,

kəni məmə otəni pətīgəm neiuə minian rəha nəgətun eiua min. Kəni təməgətun məmə nolkeikeian in nati asoli. Kəni molkeikei məmə otasiru, kəni mol nəhatətəian rəha nəfaki min tuva məskasik kəni motəhrun vivi məmə Uhgın təmosmiəgəh pəhriən ilah, kəni ilah maautos nəmiəgəhian itulin.

Nəghatian Miəgəh

¹ Nəghatian iətəm in Nəukəti Nəmiəgəhian* təmaupən matig e nətuəuinian nian,† inu, itimah‡ iəmotətəu kəni moteruh e nəhmtitimah əhruahru. § Iəmoteh, kəni motek e nəhlmitimah əhruahru.* Inu u, in Nəghatian iətəm in Nəukəti Nəmiəgəhian iətəm iəutəghati lan, məutəni pətīgəm. ² Nəukəti Nəmiəgəhian əha təmietīgəm=pa;† iəmoteruh kəni maütəhtul pətīgəm o nəni pətīgəmiən,‡ kəni məutəni=pinə kəm təmah məmə in nəmiəgəhian itulin, in təmətatig ilau Tatə Uhgın kəni təmiet=pa o timah. § ³ Iəutəni pətīgəm kəm təmah natimnati min iətəm iəmoteh kəni motətəu rəkis, məmə itəmah min onəkəhuva motol kətiəh kitah min itəmah. Okəhuva kətiəh kitah Tatə Uhgın mine Nətin, Iesu Kristo.* ⁴ Iəutətei natimnati min u məmə otol nagianian e nikitimah təri məriəuəh.

* **1:1** Jon 14:6 † **1:1** Jon 1:1,3 ‡ **1:1** Nauəuə u, Aposil Jon in təmətei. Nati ənnapin məmə in tətəni pik "itimah," mətəu Jon pisin əmə təmətei. Nian təmətei nəghatian u "itimah," nian nəuvein tətəghati aru əmə lan, kəni nian nəuvein tətəghati aru lan mine aposil min nəuvein. § **1:1** Luk 24:48; Jon 1:14; 19:35; 2Pitə 1:16; 1Jon 4:14 * **1:1** Jon 20:27 † **1:2** Jon 1:1-4; 11:25; 14:6 ‡ **1:2** Jon 15:27 § **1:2** Jon 1:1-4 * **1:3** 1Kor 1:9

Okotaliuæk e nəhagəhagiən

⁵ Nəghatiən u inu, itimah iəmotətəu ohni kəni iəutəni=pinə kəm təmah, məmə Uhgīn in nəhagəhagiən,[†] kəni napinəpuian tikə agin lan.

⁶ Nəmə kitah kotəni məmə kinautol kətiəh kitah min, mətəu kitah kəutaliuæk əhanəh e napinəpuian,[‡] kəni kitah kəuteiuə, kəni məsotatiğiən e nīpəhriənian. § ⁷ Mətəu in tətatiğ e nəhagəhagiən, kəni nəmə kotaliuæk e nəhagəhagiən təhmen lan,* kəni kitah kautol kətiəh kitah min, kəni nira Nətin, Iesu, tətəruətuəh e tah o noliən tərəh min rəfin.^{†‡}

⁸ Nəmə kitah kotəni məmə səniəmə kitah nol təfagə tərəh, § kitah kauteiuə aru əmə e tah min, kəni nīpəhriənian tikə e tah.* ⁹ Uhgīn in iətəm kitah kotəhrun narəriən lan, kəni rəhan noliən in təhruahru əmə.[†] Tol lanəha, nəmə kitah kotəni=pən noliən tərəh min rəhatah kəm Uhgīn,[‡]

† **1:5** 1Tim 6:16 ‡ **1:6** Jon 3:19-21; 8:12; Efəs 5:8; 1Jon 2:11 § **1:6** 1Jon 2:4; 4:20 * **1:7** Aes 2:5 † **1:7** Nəmə kəutəhlan vivi e nəhmti Uhgīn, okotəni pətiğəm əmə təfagə tərəh min kəmautol kəsotəhmenian e nəhmti Uhgīn. Mətəu səniəmə təhmen e narətuəhian iətəm kətaig e nien o nos rəkisian nətuəkəmian kəti e nīpətiətəmi. Nira Iesu otəkeikei marətuəh e tah, məmə in otos rəkis noliən tərəh min rəhatah. (Nīpəti nəghatiən u “nira Iesu” tətəni məmə Iesu təmimis təhmen e sakrifais kəti təmol o təfagə tərəh min.) Tol lanəha, kitah kəutəhlan vivi, motəhruahru e nəhmti Uhgīn, kəni in təseruhian noliən tərəh rəhatah, mətəu-inu nira Iesu təmafəl rəkis. ‡ **1:7** Hip 9:14; Nəh 7:14 § **1:8** Jer 2:35; Rom 3:9,19; Jem 3:2 * **1:8** 1Jon 2:4 † **1:9** Uhgīn tətalu təfagə tərəh min rəha nol təfagə min, mətəu in tatol e nəhruahruian, mətəu-inu nīmisiən rəha Iesu in təmətəu rəkis noliən tərəh min. Tol lanəha, təhruahru məmə Uhgīn otalu noliən tərəh min rəhatah məmafəl rəkis. ‡ **1:9** Sam 32:3-5; 51:2; Prov 28:13

kəni in otafəl itah kəni malu e rəhatah noliən tərəh mīn, kəni maruətuəh rəkis e noliən tərəh mīn rəfin rəhatah məmə okotəhruahru e nəhmtin. § 10 Mətəu nəmə kitah kotəni məmə kəsotol aginiən noliən tərəh, kəni kitah kəutəni məmə Uhgīn tateiuə, kəni rəhan nəghatiən təsatig aginiən e nəmiəgəhiən rəhatah.*

2

Iesu Krīsto in iətəmi rəha nasiruiən e tah

¹ Rəhak mīn kəlkələh mīn,* iətətei natimnati mīn u kəm təmah, mətəniəhu itəmah məmə onəsotoliən təfagə tərəh. Mətəu nəmə iətəmi kəti otol təfagə tərəh, rəhatah kəti əha ikin iətəm tətəghati rəhatah lan kəm Tatə Uhgīn,† inu Iesu Krīsto in Iətəmi Təhruahru. ² In ko, iətəm təmol sakrifais aru e rəhan nəmiəgəhiən o rəhatah noliən tərəh mīn, kəni o nati u, niəməha otəsol mīniən Uhgīn.‡§ Kəni təməsolien o rəhatah pisin əmə noliən tərəh mīn, mətəu rəha nətəmimi mīn rəfin agin e nəhue niftəni.*

§ 1:9 Jer 31:34; Maeka 7:18-20; Hip 10:22 * 1:10 Jon 5:38 * 2:1 1Təs 2:11 † 2:1 Rom 8:34; 1Tim 2:5; Hip 7:25 ‡ 2:2 Rom 3:25; 1Jon 4:10 § 2:2 Iesu in təmol sakrifais aru e nəmiəgəhiən rəhan o rəhatah noliən tərəh mīn, kəni nati əha, niəməha təsolien mīniən Uhgīn. Iesu in sakrifais, kəni in pris mīn iətəm təmol sakrifais u. Iesu təsətapuəhiən o Uhgīn məmə otəni məmə kitah kəməsotoliən noliən tərəh kəti, mətəu təmətapuəh o Uhgīn məmə oteruh itah məmə kitah nətəmimi rəhalah noliən tərəh mīn kəmotos rəkis nalpiniən. Inu nətəligiən mīn rəfin rəha Uhgīn, kəni nati u, in təməhmen. * 2:2 Jon 3:17

³ Kitah okotəhrun əsas məmə kotəhrun Uhgın† nəmə kitah kautol nəuian.‡§ ⁴ Iətəmi u tətəni məmə “Iəkəhrun Uhgın,”* mətəu təsolian nəuian, in ieiua, kəni nıpəhrıənıən tıkə lan.†‡ ⁵⁻⁶ Mətəu iətəmi u tatol rəhan nəghatıən,§ nolkeikeiən rəha Uhgın təmatıg mınpi vivi pəhrıən e nıkin.* Iətəmi u tətəni məmə tətəhtul=pən lan,† otəkeikei mıtəu suaru kətıəh əmə iətəm İesu təmıtəu.‡ Nolian u tətəgətun əsas§ məmə kitah kautatıg lan.*

Kitah kotəkeikei motol nolkeikeiən kəm tah mın

⁷ Nıkkı keikei mın, iəu iəsətəiən nəghatıən vi kətı kəm təmah məmə onəkotol, kəni mətəu iətətəi in əuas† iətəm nəmotos rəkıs e nətuəuinıən, nıan nəmotətəu nənusiən təuvır;‡ nəghatıən əuas u in nəghatıən nınotəhrun rəkıs məmə nəkotolkeikei itəmah mın. ⁸ Mətəu e neruhiən kətı mın, nəghatıən u iətəm iətətəi tatuvnə o təmah məmə onəkotol, in tətəuhlin məmə nəghatıən vi,§ mətəu-inu kınəruh e suaru vi kətı e nəmiəgəhiən rəha İesu mınə rəhatəmah. Mətəu-inu rəueiu, napınəpuıən

† **2:3** 1Jon 4:13; 5:2 ‡ **2:3** Nolian nəuian u, təsolian itah kotəhruahru, mətəu tətəgətun əmə məmə kitah kotəhrun Uhgın.

§ **2:3** Jon 14:15 * **2:4** Tait 1:16; 1Jon 3:6; 4:7,8 † **2:4** Nətəmimi nətəm kəutohtəu=pən Nostisisim, kəutəni məmə ilah kəutəhrun vivi Uhgın, mətəu nolian rəhalah təəhruahruıən. Afın-to e Nəghatıən Əkuəkır Rəha Nauəuə u 1 Jon məmə nəkəhrun nətəlīgiən rəha Nostisisim. ‡ **2:4** 1Jon 1:6,8 § **2:5-6** Jon 14:15 * **2:5-6** 1Jon 4:12 † **2:5-6** Nıan tətəni məmə suah iətəmi kətı tətəhtul=pən e İesu, nıpətın u məmə in tətətig lan məsietıən, tatsıpən lan, tatos rəfın nəsanəniən rəhan ohni, tətəhgəl lan, tatılpin ilau mın. ‡ **2:5-6** Mat 11:29 § **2:5-6** 1Jon 2:3 * **2:5-6** Jon 15 † **2:7** Dut 6:5; Lev 19:18 ‡ **2:7** 1Jon 2:24; 3:11,23; 4:21; 2Jon 5,6 § **2:8** Jon 13:34

tinətagim,* konu nəhagəhagiən pəhrin† tinətasia rəkis.‡

9 Kəni iətəmi u tətəni məmə in tətətig e nəhagəhagiən mətəu tətəməki e pian,§ in tətətig əhanəh e napinəpuian.* 10 Iətəmi u iətəm tolkeikei pian, in tətəhtul e nəhagəhagiən,† kəni nati kəti tikə e nikin məmə otapitətəl lan, morin.‡

11 Mətəu iətəmi u iətəm tətəməki e pian, in tətətig e napinəpuian,§ kəni mətan e napinəpuian, kəni məruru ikin tatuvən=pən ikin, mətəu-inu napinəpuian tətəuveg nəhmtin.*

12 Rəhak kəlkələh min, iətətei nauəuə u kəm təmah, mətəu-inu Uhgın təmafəl rəkis nolian tərəh min rəhatəmah e nati u iətəm Iesu təmol.

13 Tatə min, iətətei nati u kəm təmah, mətəu-inu itəmah nəkotəhrun in, iətəm təmaupən matig e nətuəuinian.†

Nətəm aluə min, iətətei nati u kəm təmah, mətəu-inu itəmah nəmotəhpahu rəkis‡ iətəmi tərəh, Setən.

14 Kəlkələh min, iətətei nati u kəm təmah, mətəu-inu nəkotəhrun Tatə Uhgın.

Tatə min, iətətei nati u kəm təmah, mətəu-inu itəmah nəkotəhrun in, iətəm təmaupən matig e nətuəuinian.§

Nətəm-aluə min, iətətei nati u kəm təmah, mətəu-inu itəmah nəkotəsanən,* kəni nəghatiən rəha Uhgın tətətig e nikitəmah,

* 2:8 Rom 13:12 † 2:8 Jon 1:9 ‡ 2:8 Efəs 5:8; 1Təs 5:5 § 2:9 1Jon 3:10,15,16; 4:20,21 * 2:9 1Jon 1:5 † 2:10 1Jon 3:14 ‡ 2:10 Sam 119:165 § 2:11 1Jon 1:6 * 2:11 Jon 11:9; 12:35 † 2:13 Jon 1:1 ‡ 2:13 Jon 16:33 § 2:14 Jon 1:1 * 2:14 Efəs 6:10

kəni nəmotol win e iətəmi tərah, Setən.†

Sotolkeikeiən natimnati rəha nəhue niftəni

15 Sotolkeikeiən nəhue niftəni‡ uə natimnati mīn rəha nəhue niftəni. Nəmə iətəmi kəti tatolkeikei nəhue niftəni, kəni nolkeikeiən rəha Tatə Uhgīn təsatīgīən e nīkin. § 16 Mətəu-inu natimnati rəfin u rəha nəhue niftəni, ilah u, kəsotsipəniən o Tatə Uhgīn, mətəu kautsipən e nəhue niftəni əmə. Natimnati rəfin u rəha nəhue niftəni, ilah u, nolkeikei pikiən natimnati rəha nəhuvegīn əmə,* kəni nolkeikeiən natimnati iətəm tatiuvirəkis nəhmtitəmi,† mine nəfəriən o rəhalah nautə, mine nepətiən. 17 Kəni nəhue niftəni u otəpanikə. Kəni nolkeikei pikiən nautə mīn otəpanikə. Kəni nolkeikei pikiən o nolīən mīn rəha nəhue niftəni iətəm kautiuvi nətəligīən rəha nətəmimi otəpanikə.‡ Mətəu iətəmimi iətəm tatol nəuia Tatə Uhgīn, § in otətətiḡ itulīn.

Tikimīr mīn rəha Krīsto kinəhuva rəkis

18 Kəlkələh mīn, kinotevig=pən e naunun nian.* Nəmotətəu məmə Tikimīr rəha Krīsto† otuva.‡ Kəni rəueiu tikimīr mīn rəha Krīsto tepət, kinəhuva rəkis. § Tol lanəha, kitah kotəhrun məmə, kinotevig=pən e naunun nian. 19 Nətəmi mīn u, kəmotəpəh rəhatah niməfaki mīn* mətəu ilah səniəmə rəhatah aḡīn mīn, aupən aḡīn

† 2:14 1Jon 2:13; Sam 119:9-11; Jon 5:38; Hip 4:12; 1Jon 1:10

‡ 2:15 Rom 12:2 § 2:15 Jem 4:4 * 2:16 Jen 3:6; Rom 13:14; Efəs

2:3 † 2:16 Prov 27:20 ‡ 2:17 Hip 12:27 § 2:17 Mat 12:50

* 2:18 Rom 13:11 † 2:18 Tikimīr rəha Krīsto in “antichrist” e

Inglis. ‡ 2:18 1Jon 2:22; 4:3; 2Jon 1:7 § 2:18 1Jon 4:1 * 2:19

Uək 20:30

mætəuarus=pa u rəueiu mine. Nəmə rəhatah agin min, kəməsohietian e tah. Mətəu ilah kəmohiet e tah, kəni tətəgətun məmə ilah səniəmə rəhatah min əhruahru.

²⁰ Mətəu itəmah ko, Iətəmi Əhruahru, in təmaliku=pinə† kəm təmah e Narmın Rəha Uhgın,‡ kəni itəmah rəfin nəkotəhrun nati u. ²¹ Iətətei nati u kəm təmah, səniəmə nəkotəruru nıpəhrīanīan, mətəu itəmah ninotəhrun rəkis nıpəhrīanīan, kəni motəhrun məmə nıpəhrīanīan təsəuəian e neiuəian. § ²² ?Pəh u in ieuə? Iətəmi u iətəm tətəni məmə Iesu səniəmə in Kristo iətəm Uhgın təməni məmə otahli=pa. Iətəmi u inu, tikimir rəha Kristo. In təsəniən nıpəhrīanīan e Tatə Uhgın mine Nətīn. * ²³ Iətəmi təsəniən nıpəhrīanīan e Nətīn təruru nosian Tatə. Iətəmi tətəni nıpəhrīanīan e Nətīn, in tatos min Tatə Uhgın.†

²⁴ Otaskəlīm tiəkis mautol nati nak nəmotətəu e nətuəuinian, nian nəmotətəu nanusian təuvir. Nəmə nautol, kəni itəmah onəkotəhtul=pən e Nətīn, mine Tatə Uhgın.‡ ²⁵ Kəni nati u inu, nəmiəgəhiən itulīn, in təməni əskasik məmə otəfa kəm tah.

† **2:20** Nətəm Isrel kəutaliku=pən e rəhn-kapə pris min e oiel, mautol kəni tətəgətun məmə ilah u, səniəmə nətəmiimi əpnəpīn əmə, mətəu ilah u, nətəmiimi rəha Uhgın əmə, nətəm in təmitəpīn o nolian uək u. Kəni e nolian əhmen əmə, Iesu in tətəfa Narmın Rəha Uhgın kəm nətəmiimi min əha nətəm kəutəni nıpəhrīanīan lan, mətəgətun məmə Kristo təmitəpīn ilah məmə rəhan əmə. Nətəmiimi min u nətəm kautos nalikuian e Narmın Rəha Uhgın, in təhmen e nəmtətian kəti məmə ilah u, rəhan min nətəmiimi. Tətəliku=pən e Narmın Rəha Uhgın e lah məmə ilah kotəhmen o nolian uək rəhan. ‡ **2:20** 1Jon 2:27; 2Kor 1:21-22 § **2:21** 2Pitə 1:12 * **2:22** 1Jon 4:3; 2Jon 1:7 † **2:23** Jon 8:19; 14:7; 1Jon 4:15; 5:1; 2Jon 1:9 ‡ **2:24** Jon 14:23; 15:4; 1Jon 1:3; 2Jon 9

26 Iətətei nəghatïan mïn u kəm təmah mətəni pətigəm nətəmimi mïn u nətəm okotiuvi rəkis itəmah. § 27 Mətəu Narmïn Rəha Uhgïn iətəm nəmotos e Kristo,* in tətətig əhanəh e nikitəmah. ?Tol lanəha, pəh mïn təhrun nəgətunian nati vi kəti kəm təmah? Narmïn Rəha Uhgïn tətəgətun natimnati rəfin kəm təmah,† kəni nəgətunian əha rəhan, in nīpəhrïanïan, səniəmə neiuəian. Tol lanəha, otəhtul=pən əskasik e Kristo,‡ təhmen=pən əmə məmə Narmïn rəhan təməgətun itəmah məmə nəkotol.

28 Kəni rəueiu əha, kəlkələh mïn, otəhtul=pən lan, məmə nian in otuva§ kəni kitah kəsotəginian məsotaulisian e nəhmtin* e rəhan nuvaiən.

29 Nəmə nəkotəhrun məmə in təhruahru,† onəkotəhrun əsas məmə nətəmimi rəfin nətəm kautol noliən əhruahru, ilah u, nenətin mïn.‡

3

Kitah u nenəti Uhgïn mïn

1 !Oteh-to! !Nolkeikeian asoli agin Tatə Uhgïn təmolkeikei itah lan,* məmə tətəuin e tah məmə nenətin mïn!† Kəni nīpəhrïanïan məmə kitah əha. Nətəmimi rəha nəhue niftəni kəsotəhrunian məmə kitah nenətin mïn,‡ mətəu-inu ilah kotəruru Uhgïn. § 2 Nīkik mïn, kitah nenəti Uhgïn mïn u rəueiu. Kitah kəsotəhrunian məmə okotəhro lanu motol pişin nian Kristo otitəlig=pa. Mətəu

§ 2:26 1Jon 3:7 * 2:27 1Jon 2:20 † 2:27 1Kor 2:12 ‡ 2:27 Jon 15:4 § 2:28 1Jon 3:2; Kol 3:4 * 2:28 Efəs 3:12 † 2:29 1Jon 3:7 ‡ 2:29 Jon 1:13 * 3:1 Jon 3:16 † 3:1 Jon 1:12 ‡ 3:1 Jon 15:21; 16:2,3 § 3:1 Jon 15:21; 16:2,3

kitah kotəhrun məmə nian otitəlig=pa,* kitah okotəhmen lan,† mətəu-inu e nian əha, okoteruh əhruahru məmə in tol lanəha.‡ 3 Kəni iətəmimi iətəm tatuhuin məmə otəhmen e Kristo, in otəkeikei mol nəmiəgəhiən rəhan təhlan məuvir§ aru noliən mīn rəhan,* mətəu-inu Kristo in mīn in təhruahru vivi aɡin.

4 Iətəmimi iətəm tatol noliən tərəh, in tətətgəhli mīn lou rəha Uhgīn, mətəu-inu nəghatiən u noliən tərəh, nīpətīn u, natgəhliən lou rəha Uhgīn. 5 Kəni itəmah nəkotəhrun məmə Kristo təmuva məmə otos rəkis rəhatəmah noliən tərəh mīn,† kəni noliən tərəh tikə lan.‡ 6 Tol lanəha, nəmə kitah kəutəhtul=pən lan, tol=pən ko kəsotəkeikeiən e noliən tərəh mīn. Mətəu nətəmimi mīn u nətəm kəutəkeikei e noliən tərəh mīn, tol=pən kotəruru aɡin in, məsoteruhiən in.§

7 Kəlkələh mīn, sotoliən iətəmi kəti teiuə e təmah e nati u. Iətəmi tatol nati əhruahru, nīpətīn u məmə in iətəmi əhruahru təhmen e Kristo məmə in iətəmi əhruahru. 8 Mətəu iətəmimi iətəm tatəkeikei əhanəh e noliən tərəh mīn, tətəgətun məmə in rəha Setən, u iətəm təmatol noliən tərəh e nətuəuiniən mətəuarus=pa u rəueiu mīne.* Mətəu Nəti Uhgīn təmuva o nərəkiniən uək mīn əha rəha Setən.† 9 Nətəmimi mīn u nətəm kəmotair vi mīn məhuva nenəti Uhgīn mīn,‡ ilah ko kəsotəkeikeiən e noliən tərəh,§ mətəu-inu ilah kəutos nian mītə rəha

* 3:2 Kol 3:4; 1Jon 2:28 † 3:2 Rom 8:29; 2Pitə 1:4 ‡ 3:2 Jon 17:24; 2Kor 3:18 § 3:3 Təhlan məuvir, nīpətīn u, tətəfəl rəkis.

* 3:3 2Kor 7:1; 1Jon 1:7; 2Pitə 3:13,14 † 3:5 1Jon 3:8 ‡ 3:5 2Kor 5:21 § 3:6 1Jon 3:9; 2:4; 5:18; 3Jon 1:11 * 3:8 Jon 8:44

† 3:8 Hip 2:14 ‡ 3:9 Jon 1:13 § 3:9 1Jon 5:18

Uhgin. Kəni o nati u, ko ilah kəsotəkeikeiən e noliən tərəh, mətəu-inu ilah nenəti Uhgin mīn.*
 10 Tol mə, kotəhrun nəniən məmə pəh mīn u nenəti Uhgin,† kəni pəh mīn u nenəti Setən.‡ İətəmimi u iətəm təsol əhruahruian, kəni in məsolkeikeiən pian kəti,§ in səniəmə nəti Uhgin kəti.

Kitah kotəkeikei motolkeikei itah mīn

11 Nəghatiən u inu, nəmotətəu e nətuəuinian e nanusiən təuvir,* məmə kitah okotəkeikei motolkeikei itah mīn.† 12 Sotolien nıtai Ken, iətəm in iətəmimi rəha Setən kəni təhuamu pian.‡ ?Kəni təmohamu pian o nak? Təmohamu mətəu-inu rəhan noliən mīn tərəh, konu rəha pian, noliən mīn in təhruahru.§ 13 Piak mīn, narmitəmah təsiuvig pikian nəmə nətəmimi rəha nəhue niftəni u kəutəməki e təmah.* 14 Nəmə kitah kotalkeikei piatah mīn, tətəgətun məmə kitah kinotapirəkis rəkis nımisiən, mīnotevig=pən e nəmiəgəhiən.† Mətəu iətəmi u nolkeikeiən tikə lan, in tətətig əhanəh e nımisiən.‡ 15 İətəmimi u iətəm tətəməki e pian§ in təhmen e iətəm tətəhuamu iətəmi,* kəni

* **3:9** Nikiti nati tateviə mətəuə e nəuan. E suaru əhmen əmə, Uhgin tatələhu=pən rəhan nian mītə e iətəmi kəti, kəni in tateviə təhmen e nikiti nati iətəm kəmərfei e nəmiəgəhiən rəha iətəmimi u, kəni mətəuə e nəuan e noliən mīn rəha Uhgin. Tol lanəha, nətəmimi mīn u nətəm kəmotair vi mīn motuva nenəti Uhgin mīn, ilah kəsotəkeikeiən e noliən tərəh. † **3:10** 1Jon 3:1,2; Jon 1:12 ‡ **3:10** 1Jon 3:8 § **3:10** 1Jon 2:9; 4:8 * **3:11** 1Jon 2:7 † **3:11** Jon 13:34-35; 15:12; 1Jon 4:7,11,21; 2Jon 1:5 ‡ **3:12** Jen 4:8 § **3:12** Prov 29:10 * **3:13** Jon 15:18,19; 17:14 † **3:14** Jon 5:24 ‡ **3:14** 1Jon 2:9 § **3:15** 1Jon 2:9 * **3:15** Mat 5:21,22; Jon 8:44

itəmah nəkotəhrun məmə iətəm tətəhuamu itəmi, in təsosian nəmiəgəhiən itulin.†

16 Kitah kotəhrun vivi məmə nolkeikeiən in tol lanu, mətəu-inu Iesu təməfa rəhan nəmiəgəhiən o tah.‡ Kəni təhmen əmə lanəha, təuvir məmə kitah mīn kotəfən nəmiəgəhiən rəhatah o piatah mīn.§ 17 ? Nəmə iətəmi kəti rəhan natimnati tepət kəni pian kəti rəhan nati kəti tikə, mətəu in təsolkeikeiən məmə təhrun e pian,* məsolian nati aɡin lan, nolkeikeiən rəha Uhgīn otəhro lanu matig e iətəmi u?† 18 Nenətik mīn, pəh kitah kəsotəniən nolkeikeiən e nohlitah əmə, mətəu okotol əpu nolkeikeiən pəhriən e noliən mīn rəhatah.‡ 19 Noliən mīn rəhatah kautəgətun məmə kitah nətəmimi rəha nīpəhriənian, kəni tol lanəha, nian okotəhtul e nəhmti Uhgīn, kəni kəsotəɡiniən. 20 Kəni nati əpnapin nəmə kotətəu=pən e nikitah məmə okotos nalpiniən o natimnati nəuvein, mətəu Uhgīn in ilis tapirəkis nikitah, kəni in təhrun natimnati rəfin, kəni otəni məmə kitah kotəhruahru uə kəpə.

21 Piak mīn, nəmə kotətəu=pən e nikitah məmə okəsotosian nalpiniən, kitah okəsotəɡiniən e nəhmti Uhgīn,§ 22 kəni motos natimnati rəfin ohni iətəm kəutətapuəh=pən ohni,* mətəu inu kitah kautol nəuian† kəni mautil noliən iətəm in tolkeikei.‡ 23 Konu nəghatiən u rəhan tətəni məmə kotəkeikei motəhatətə e Nətin,§ Iesu Kristo,* kəni

† 3:15 Kəl 5:20,21 ‡ 3:16 Jon 10:11 § 3:16 Jon 15:13; 1Təs 2:8

* 3:17 Dut 15:7,8; Jem 2:15,16 † 3:17 1Jon 4:20 ‡ 3:18 Esik

33:31; Rom 12:9 § 3:21 Efəs 3:12; 1Jon 5:14 * 3:22 Mat 7:7

† 3:22 Jon 14:15 ‡ 3:22 Hip 13:21 § 3:23 Jon 6:29 * 3:23

Jon 1:12; 3:18; 20:31

motolkeikei itah min, təhmen məmə inu in təməni kəm tah. † ²⁴ Nətəmimi min u nətəm kautol nəuian, ‡ ilah kautəhtul=pən vivi lan, § kəni in tətəhtul=pən vivi e lah. Kəni kitah kotəhrun məmə in tətətig e nikitah, mətəu-inu Narmın Rəha Uhgın iətəm in təməfa, in tətəgətun kəm tah.*

4

Onəkakil meruh mətig narmın min

¹ Nīkik min, nəmə iətəmimi kəti tətəni məmə Narmın rəha Uhgın tətətig lan, matol in tətəni pətīgəm rəhan nəghatiən, kəni təuvir pik məmə onəkoteruh vivi motakil mətig məmə narmın əha tətətig lan, in rəha Uhgın pəhriən, uə səniəmə rəha Uhgın.* Kitah okotəkeikei moteh vivi mətəu-inu iəni eiua min tepət kinohiet rəkis məutəghati e nəhue niftəni. † ² Tol lanəha, itəmah onəkotəhrun vivi məmə in Narmın Rəha Uhgın iətəm tətətig e iətəmimi kəti, inu, Narmın iətəm tətəni pətīgəm məmə Iesu in Kristo iətəm Uhgın təməni məmə otahli=pa, kəni in təmuva e nīpətin, ‡ narmın əha in Narmın əhruahru rəha Uhgın. §* ³ Mətəu iətəmimi kəti iətəm təsəni pətīgəmiən məmə Iesu in Kristo iətəm Uhgın təməni məmə otahli=pa, narmın rəha iətəmimi əha, səniəmə rəha Uhgın. Inəha, in

† **3:23** Jon 13:34 ‡ **3:24** 1Jon 2:3 § **3:24** 1Jon 2:6; 4:15

* **3:24** 1Jon 4:13 * **4:1** Jer 29:8 † **4:1** Mat 7:15; 1Jon 2:18

‡ **4:2** Jon 1:14; 1Jon 2:23 § **4:2** Jon təməni tol lanu mətəu-inu nətəmimi nətəm kəməutohtəu=pən Nostisisim, nəgətuניən rəhalah tətəni məmə Iesu, nīpətin pəhriən tikə, mətəu in narmın əmə, kəni in təmos narmi iətəmi kəti. Mətəu nīpəhriəniən, nīpətin əha ikin. Nīpəhriəniən, Iesu Kristo in iətəmimi pəhriən, kəni in min Uhgın pəhriən. * **4:2** 1Kor 12:3

narmîn rəha tikimîr rəha Kristo, †† iətəm nəmotətəu rəkis məmə in otəpanuva, kəni rəueiu tinətətig rəkis e nəhue niftəni. §

⁴ Kəlkələh mîn, itəmah nətəmimi rəha Uhgîn mîn, kəni nəmotəhgi rəkis iəni eiua mîn əha,* mətəu-inu Narmîn iətəm tətətig e nikitəmah in tapirəkis narmîn iətəm tətətig e nəhue niftəni u. † ⁵ Ilah nətəmimi rəha nəhue niftəni u, ‡ tol lanəha, nəghatian mîn rəhalah kəutəni, ilah rəha nəhue niftəni əmə, kəni nətəm kəutətəlig e lah, ilah mîn nətəmi rəha nəhue niftəni u. ⁶ Mətəu itimah rəha Uhgîn. Tol lanəha, nətəmimi nətəm kotəhrun Uhgîn, ilah kotətəlig e timah. Mətəu nətəmimi nətəm ilah səniəmə rəha Uhgîn, ilah kəsotətəligian e təmah. § Kəni tol lanəha rəueiu, kitah okotəhrun əhruahru nətəmimi nətəm Narmîn rəha nîpəhriəniən tətətig e lah,* mine nətəmimi nətəm narmîn rəha neiuəiən tətətig e lah. †

Nolkeikeiən rəha Uhgîn mine rəhatah

⁷ Nikik mîn, pəh kitah kotəkeikei mautolkeikei itah mîn, ‡ mətəu-inu nolkeikeiən in tatsipən e Uhgîn, kəni iətəm tatol nolkeikeiən, in təmair vi mîn muva nati Uhgîn kəti, § kəni təhrun Uhgîn.* ⁸ Mətəu iətəmi u rəhan nolkeikeiən tikə, in təruru Uhgîn, mətəu-inu Uhgîn in nəukəti nolkeikeiən. ⁹ Uhgîn təmol əpu rəhan nolkeikeiən kəm tah lanu, məmə in təmahli=pa Nətin nəuan kətiəh əmə, † tuva

† **4:3** 1Jon 2:22; 2Jon 1:7 ‡ **4:3** E Inglis, kətəni məmə “antichrist,” kəni nîpətin u məmə in tikimîr rəha Kristo. § **4:3** 1Jon 2:18 * **4:4** Jon 16:33 † **4:4** 2King 6:16; Rom 8:31 ‡ **4:5** Jon 15:19; 17:14,16 § **4:6** Jon 8:47 * **4:6** Jon 14:17 † **4:6** Mak 13:5 ‡ **4:7** 1Jon 3:11 § **4:7** Jon 1:15 * **4:7** 1Jon 2:4 † **4:9** Jon 1:18

e nāhue niftāni, māmā kitah okotos nāmiägəhiän ohni.‡ 10 Nati u in nolkeikeiän pəhriän, səniämə kitah kəmotolkeikei Uhgīn, mətəu in təmolkeikei itah.§ Uhgīn təmahli=pa Nətīn tuva, kəni in təmol sakrifais aru e rəhan nāmiägəhiän o rəhatah nolīän tərāh mīn, māmā niāməha otəsol mīniän Uhgīn.*

11 Piak mīn, Uhgīn təmolkeikei pik itah lanu,† kəni tol lanu lan, kitah mīn okotəkeikei motol mīn nolkeikeiän əha kəm tah mīn.‡ 12 Iətəmi kəti təsehian Uhgīn nian kəti mīne.§ Mətəu nāmə kitah kotolkeikei itah mīn, kəni Uhgīn tatig e nikitah, kəni nolkeikeiän rəhan təmatig mīnpi vivi pəhriän e nikitah.*

13 Kitah kotəhrun† māmə kitah kotatig lan, kəni in tətatig e tah, mətəu-inu tinəfa rəkis rəhan Narmīn kəm tah.‡ 14 Kəni itimah iəmoteruh rəkis mətəni pətigəms māmə Tatə Uhgīn in təmahli=pa Nətīn māmə in Iosmiägəh rəha nāhue niftāni.*

15 Iətəmi iətəm tətəni pətigəms māmə Iesu in Nətī Uhgīn, kəni Uhgīn tətatig lan, kəni in mīn tətatig=pən e Uhgīn.† 16 Kəni tol lanəha, kitah kotəhrun nolkeikeiän rəha Uhgīn o tah, kəni məutarəriə lan.

Uhgīn in nolkeikeiän.‡ Iətəmi tətatig e nolkeikeiän, tətatig=pən e Uhgīn, kəni Uhgīn mīn tətatig lan.§ 17 Nian kəutatig lanəha e Uhgīn, kəni nolkeikeiän rəhan təmatig mīnpi vivi pəhriän e

‡ 4:9 Jon 3:16,17; 1Jon 5:11 § 4:10 Rom 5:8,10 * 4:10 Rom 3:25 † 4:11 Jon 3:16 ‡ 4:11 Jon 15:12; 1Jon 3:11 § 4:12 Jon 1:18 * 4:12 1Jon 4:17; 2:5 † 4:13 1Jon 2:3 ‡ 4:13 1Jon 3:24 § 4:14 Jon 15:27 * 4:14 Luk 2:11; Jon 3:17 † 4:15 1Jon 3:24 ‡ 4:16 1Jon 4:8 § 4:16 1Jon 3:24

nikitah,* māmā kitah kəsotəginian† e nian Uhgın otakil itəmi, mətəu-inu e nəhue niftəni u rəhatah nolian təhmen e Krısto. ¹⁸ İətəmi u tərıauəh e nolkeikeian, ko təsəginian e Uhgın. Mətəu-inu nolkeikeian pəhriən u, iətəm tinatəuə rəkis e nikitah, tətəhgi rəkis nəginian.‡ Nətəligian rəha nosian nalpiniən tatol itah kəutəgin, kəni nati u tətəgətun māmə rəhan nolkeikeian pəhriən təsəuə əhanəhian e nikitah.

¹⁹ Kitah kotolkeikei itah mın mine Uhgın mətəu-inu Uhgın təmaupən molkeikei itah. ²⁰ Mətəu nəmə iətəmi kəti təni māmə, “İəu iəkolkeikei Uhgın,” mətəu tətəməki əhanəh e pian u tətəhatətə mın e Krısto,§ in ieiüə,* mətəu-inu iətəmi təsolkeikeian pian u in tateh e nəhmtin,† ko təsolkeikeian Uhgın, iətəm in təsehian.‡§ ²¹ Kəni in təməfa rəhan nəghatian kəm tah māmə: iətəmi pəh tolkeikei Uhgın in otəkeikei molkeikei mın pian.*

5

Kitah kautol win mətəu-inu kitah kəutəhatətə e İesu

¹ İətəmi iətəm tətəhatətə* e İesu māmə in Krısto iətəm Uhgın təməni māmə otahli=pa, iətəmi inu, in

* **4:17** 1Jon 4:12; 2:5 † **4:17** Efəs 3:12 ‡ **4:18** Rom 8:15 § **4:20** 1Jon 2:9 * **4:20** 1Jon 1:6; 2:4 † **4:20** 1Jon 3:17 ‡ **4:20** Rəhatah nolian tətəgətun əhruahru nati nak tətətig e nikitah. Nəmə iətəmi kəti in tolkeikei pik Uhgın, nolkeikeian rəha Uhgın tatig e nikin, kəni ko in otolkeikei mın nətəmi, kəni in otol nolian təuvir mın əmə kəm lah. Mətəu nəmə kitah kəsotolkeikeian Uhgın, kəni ko kitah kəsotolkeikeian minian nətəmi. Kəni nəmə kitah kəsotolkeikeian nətəmi, tətəgətun māmə kəsotolkeikeian Uhgın § **4:20** 1Jon 4:12; Jon 1:18 * **4:21** 1Jon 2:7,9 * **5:1** Jon 3:15

nəti Uhgín,† kəni iətəmimi iətəm in tolkeikei Tatə Uhgín, in tolkeikei mìn nenətin mìn.‡ ² Kəni nəmə kotolkeikei Uhgín kəni mautol nəuian,§ konu kitah kotəhrun məmə kotolkeikei mìn nenətin mìn.* ³ Mətəu-inu nəmə kotolkeikei Uhgín, nípətin u məmə, okotol nəuian.† Kəni rəhan nəghatiən otəhmen e katipə iətəm təhvevig əmə.‡ ⁴ Nətəmi mìn u ilah nenəti Uhgín mìn,§ ilah kautol win e noliən mìn rəha nəhue niftəni. Konu nəhatətəiən rəhatah in tətəfa nəsanəniən o noliən win e noliən mìn rəha nəhue niftəni. ⁵ Pəh mìn u ilah kəutəhtul əskasik motol win e noliən mìn rəha nəhue niftəni u? Ilah əmə əha, nətəm kəutəhatətə məmə Iesu in Nəti Uhgín.

Jəruəsan kisil kahlol əpu Iesu Kristo kəm tah

⁶ Iesu Kristo, in iətəmi u iətəm təmuva, kəni nəhu mine niran* katuol əpu in kəm tah məmə in Nəti Uhgín. Səniəmə nəhu əmə iətəm tatol əpu in, mətəu nəhu mine niran. Narmin Rəha Uhgín in tətəruəsan nəghatiən mil u rəha nəhu mine nirə, mətəni pətigəm, kəni rəhan nəghatiən in nípəhriənən mətəu-inu Narmin Rəha Uhgín in nípəhriənən. ⁷ Kəni nuhapuminiən kisil kəhləruəsan ilahal mìn.† ⁸ Ilahal u, Narmin Rəha Uhgín, mine nəhu, mine nirə. Kəni ilahal u, kəhlegəhan lan mahlol əpu nəghatiən rəhalahal mìn. ⁹ Nian mìn, kitah kautətəu nəghatiən mìn iətəm nətəmimi kəutəni pətigəm, məutəhatətə e lah.‡ Mətəu nian Uhgín tətəni pətigəm nati

† 5:1 Jon 1:13; 1Jon 2:22; 1Jon 2:23 ‡ 5:1 1Jon 2:23 § 5:2 1Jon 2:3 * 5:2 1Jon 3:14 † 5:3 Jon 14:15 ‡ 5:3 Mat 11:30 § 5:4 Jon 1:13 * 5:6 Jon 19:34,35 † 5:7 Jon 14:17 ‡ 5:9 Jon 5:33,34

kəti, in iahgin tapirəkis, kəni kitah okotəhrun nəhatətə təhmīn mīn e rəhan nəghatiən, mətəu-inu in Uhgīn, § kəni in tətəhtul pətigəm o Nətin.

¹⁰ Iətəmimi iətəm tətəhatətə e Nəti Uhgīn, in tətəni nīpəhriənīən e nīkin o nəghatiən u rəha Uhgīn. Mətəu iətəmimi iətəm təsəhatətəiən e nəghatiən u rəha Uhgīn, təhmen əmə məmə in tətəni məmə Uhgīn in ieiua əmə,* mətəu-inu Uhgīn təməhtul pətigəm o Nətin, məni pətigəm Nətin kəm in, mətəu in təsəniən nīpəhriənīən lan. ¹¹ Konu nəghatiən iətəm Uhgīn təməni pətigəm o Nətin, in tol lanu. Uhgīn təməfən nəmiəgəhiən itulīn† kəm tah, konu nəmiəgəhiən u, katos o Nətin.‡ ¹² Iətəm tatos Nəti Uhgīn, in tatos nəmiəgəhiən. Mətəu iətəm təsosiən Nəti Uhgīn, in təsosiən nəmiəgəhiən. §

Naunun nəghatiən

¹³ Iətətei nəghatiən mīn u kəm təmah nətəm nəutəhatətə e Nəti Uhgīn, məmə onəkotəhrun məmə itəmah nəkotos nəmiəgəhiən itulīn.* ¹⁴ Pəh kəsotəginīən,† mətəu kotəskasik o nətapuəhiən o nati kəti e nəhmti Uhgīn. Nian okotətapuəh o nati kəti kəm in iətəm təuvir e rəhan nətəligiən, kəni kitah kotəhrun vivi məmə in otətəu rəhatah nəfakiən.‡ ¹⁵ Kəni nəmə kotəhrun məmə in otətəu itah, kəni nati nak okoteasiə=pən ohni, kəni kīnotəhrun rəkis məmə okotos. §

§ 5:9 Mat 3:16,17; Jon 5:32,37; 8:17,18 * 5:10 Jon 3:33; 1Jon 1:10 † 5:11 Mat 25:46 ‡ 5:11 Jon 1:4 § 5:12 Jon 3:15,16,36
 * 5:13 1Jon 5:11 † 5:14 Efəs 3:12; 1Jon 3:21 ‡ 5:14 Mat 7:7
 § 5:15 1King 3:12

16 Nəmə koteh piatah kəti tatol noliən tərəh, mətəu səniəmə noliən tərəh iətəm təhrun niti-pəniən e nīmisiən, ik onəkəfaki ohni, kəni Uhgīn otəfən nəmiəgəhiən kəm iətəmi u.* Mətəu noliən tərəh kəti əha ikin iətəm tatiti=pən iətəmi e nīmisiən,† kəni iəu iəsəniən məmə onəkotəfaki o nətəmi mīn iətəm kautol noliən əha.‡§ 17 Noliən tərəh mīn rəfin, ilah təfagə tərəh,* kəni mətəu təfagə tərəh mīn əha ikin iətəm kəsotiti-pəniən iətəmi e nīmisiən.†

18 Kitah kotəhrun məmə iətəm tətair e Uhgīn‡ təsəkeikeiən e təfagə tərəh, mətəu-inu Nətī Uhgīn tətəskəlīm-ərain vivi in, kəni iətəmi tərəh u Setən, təruru nekien.§ 19 Kitah kotəhrun məmə kitah nenətī Uhgīn mīn,* mətəu nətəmimi rəha nəhue niftəni rəfin, ilah u kəutatig e nəhlmi Setən.† 20 Kitah kotəhrun mīn məmə Nətī Uhgīn təmuva kəni məfa neinatigien kəm tah,‡ məmə kitah okotəhrun in, u in nīpəhriənien.§ Konu kitah kautəhtul=pən e Uhgīn u in nīpəhriənien, mətəu-inu kitah kautəhtul=pən e Nətīn Iesu Kristo. In u, in Uhgīn pəhriən, kəni in nəukətī nəmiəgəhiən

* 5:16 Jem 5:15 † 5:16 Hip 6:4-6; 10:26 ‡ 5:16 Jer 7:16;

§ 5:16 E fes u, mine fes 17, Jon tətəghati e təfagə tərəh iətəm tatiti=pən itəmi e nīmisiən. Jon tətəghati e təfagə tərəh iətəm kətəuhlin nəmtəhtəmi o Kristo. Noliən tərəh əha, tətəgəhun məmə nətəmimi kautol ilah kəsotosən nəmiəgəhiən itulin, konu nəuветin mīn u məmə narmilah tīnimis. Nati u inu, Jon tətəni əhagəhag kəm tah e 1Jon 5:12 mine 1Jon 3:14. E Mat 12:31-32 kitah kəutəfin nəuветin mīn e nol təfagə u, nəni rahiən Narmīn Rəha Uhgīn.

* 5:17 1Jon 3:4 † 5:17 1Jon 5:16; 1Jon 2:1 ‡ 5:18 Jon 1:13

§ 5:18 Jon 14:30 * 5:19 1Jon 4:6 † 5:19 Jon 12:31; 14:30;

‡ 5:20 Luk 24:45 § 5:20 Jon 17:3

itulín.*

²¹ Nenətík mìn, otagim rəkis e natimnati mìn
iətəm okotos nimeı Uhgın e nikitəmah.†‡

* **5:20** 1Jon 5:11 † **5:21** 1Kor 10:14; 1Təs 1:9 ‡ **5:21** Nəghatian Kris əhruahru tətəni məmə, “onəkagim e narmın nati mìn.” Mətəu Jon tətəghati e təfagə tərəh, məmə in təhmen e narmı nati. Nəmə kotalkeikei rəhatah təfagə tərəh, kəni in təhmen e narmı nati. In tatos nimeı Uhgın e nikitah.

Nauəuə Asim Rəha Uhg̃in Nəmtət̃iən Vi
The New Testament in the Whitesands language of
Tanna Island, Vanuatu
Niutesteman long Nərak, lanwis blong Whitesands
Tanna, Vanuatu

Copyright © 2014 Wycliffe Bible Translators, Inc.

© Wycliffe Bible Translators, Inc.

Language: Whitesands

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 22 Feb 2024 from source files dated 31 Aug 2023

913a182a-255f-5344-b6b0-0294ba221e87